

Ме́сяца апрѣля в 4-й день
Преподобномучеников Вениамина архимандрита и Никифора
иеромонаха Соловецких
На велицей вечерни

На Господи, воззвах: стихиры, глас 5:

Приидите, христолюбивии людие,/ восхвалим ревнителей и защитителей доблественных обители Соловецкия,/ Вениамина, начальника ея послѣдняго/ вкупе и Никифора, его сподвижника,/ тии бо велию скорбь разорения обители прияша,/ во времена же гонений на Церковь Русскую/ сонму новомучеников Соловецких сопричтени быша./ Ныне же предстоят Престолу Господню/ и молятся о спасении душ наших.

Крест страданий дан бысть ти свѣше, богоизбранне Вениамине,/ еже обитель Соловецкую от беззаконий и буйства безбожных хранити,/ ты же, преподобне, заступая вверенную ти святыню,/ тверд и непреклонен явился еси/ и, всячески утесняемь и изгоняемь от враг быв,/ все упование на Господа возлагал еси,/ обители Соловецкия послѣдний начальниче/ и славный стратотерпче.

Якоже пламень злобный попали во дни гонений/ славную обитель Соловецкую,/ тако и Вениамин многострадальный,/ строитель сея обители прехвальный,/ вкупе с преподобномучеником Никифором,/ души скорбми тяжкими очистивше,/ палящим огнем смерть прияша./ Темже, венцы мученическия от Господа приемше,/ ныне Престолу Божию во Царствии Небеснем предстоят/ и молятся о душах наших.

Многия скорби и страдания на земли претерпевше/ и крест мученический со смирением и любовью в житий понесше,/ ныне на Небеси радости неизреченныя наслаждаетесь,/ преподобномученицы Вениамине и Никифоре,/ и в сонме святых Господа воспеваете./ Того молитесь и нам поприще земное достойно совершити/ и Царствие Божие наследовати.

Слава, глас 8:

Во изгнании суще,/ молитву непрестанную слезами растворяли есте/ о обители Соловецтей, от безбожных разоряемей,/ святии Вениамине и Никифоре,/ в нейже многия подвиги и труды понесли есте./ Во дни же Святаго Воскресения,/ смерть мученическую за Христа приимше,/ Того победоносно прославили есте./ Ныне же, Престолу Божию предстояще,/ прославляете Отца и Сына и Святаго Духа,/ Троицу Единосущную и Нераздельную.

И ныне, Богородичен: Царь Небесный:
Таже вход. Прокимен дне. Чтения мученическая.

На литіи стихи́ра, глас 1:

Огнем вещественным смерть приемше,/ пламене геенскаго избѣгли есте,/ богоблаженнии Вениамине и Никифоре,/ лику же неисчетному доблественных мучеников приобщившися/ и собору Соловецких новомучеников основание твердо положивше,/ с теми ныне песнь побѣдную на Небесі воспеваете,/ сего ради к вам умильно вопием:/ молите Господа о спасении душ наших.

Слава, глас 4:

Во обители преподобных Зосимы, Савватия и Германа,/ ихже труды и молитвами/ цветом благочестия оток пустынный Соловецкий процвете,/ подвигом иноческим добре подвижастеся,/ славнии Вениамине и Никифоре,/ и, достойно званию ходивше,/ преподобия же образ чисте сохранивше,/ паче подвиг страстотерпчества во времена гонений мужественне подъяли есте/ и мученичества красотю светло просияли есте./ Сего ради, преподобномученицы нарекшися/ и от Христа Бога увенчавшися,/ о обители вашей Того прилежно молите/ и нам просите мира и велия милости.

И ныне, Богородичен: Призри на моление:

На стиховне стихи́ры, глас 1.

Подобен: Небесных чинов:

По днех поста пришедшу Празднику Великому и Светлому,/ наста вам, преподобномученицы, путь крестный совершившим,/ время к Дому Отчу преселения,/ темже, смертью мучительною предпочистившися,/ с веселием во след Христу воскресшу на Небо вознесостеся./ Сия последняя земная ваша пасха/ в Небесную и Вечную вам преложи́ся.

Стих: Проидо́хом сквозе́ огонь и во́ду,/ и извел еси ны в покой.

Воскресение Христо́во вам светло славящим,/ Сам Господь, Воскресый из мертвых,/ страдания конечная ваша предваряя,/ посреде вас невидимо пребысть/ и, силу к терпению муки огненной подавая,/ от юдоли смертных вас возведе/ в Вышняя Небесная селения.

Стих: Свет возсия праведнику,/ и правым сердцем веселие.

Верю нещетною во Христа окривляеми,/ все упование на Него возложили есте,/ преподобномученицы Вениамине и Никифоре,/ и сердца ваша, радости пасхальной исполнена,/ на подвиг мученический уготовали есте./ Темже, Царю Христу воскресшу,/ души своя, радуящися, предали есте.

Слава, глас 6:

Распеншемуся за ны Христу́ Богу,/ смерть поправшему и ад пленившему,/ сораспина́лися есте, страстотерпцы приснопамятнии,/

страдания многая претерпевше даже до смерти мученическая,/ ныне в не вечернем дни Царства Божия сладость райскую вкушаете,/ исполнение надежды ваша уловивше./ И нам, Христову Воскресению поклоняющимся/ и память вашу празднующим,/ всегда сию надежду подавайте.

И ныне, Богородичен: Творец и Избавитель:

Тропарь, глас 5:

Преподобнии новомученицы Вениамине и Никифоре,/ добрым подвигом во обители Соловецкой просиявше,/ наставники братьи в заветех иноческих явились есте/ и, от безбожников беда и изгнание претерпевше,/ в пламени огня души своей Владыце Христу предали есте,/ Ему же ныне предстояще,/ молитесь спасти нас душами нашими.

На утрени

На Бог Господь: тропарь преподобномучеником, дважды. Слава, и ныне, Богородичен: Радуйся, Дверь Господня непроходимая:

По 1-м стихологии седален, глас 2:

Совету нечестивых непричастни,/ страдания о Христе избрали есте, Вениамине и Никифоре,/ вменившие сия в радость себе и во спасение./ Тем же, смерти мученической жизнь вечную обрете,/ мзду достойную от Господа восприяли есте/ и преподобномученики во святых Его нареклися есте.

Слава, и ныне, Богородичен, глас той же:

Предстательство неусыпное имамы Тя, Пресвятая Владычице,/ мольбам и плачем земным скорое Услышание,/ болезням и скорбем теплое Сострадание,/ Руце, простерте в помощь обремененным грехми и бедами,/ Глас, непрестанно молящий милосердие Божие за род человеческий.

По 2-м стихологии седален, глас 3:

Нестерпимому огню соединившись телесно,/ души, пламенем любви Божественны объаты,/ в руце Господа предали есте, страстотерпцы,/ смертью страдальческою от земли отшедше,/ присно живи обретаетеся во Царствии Небесном,/ Воскресением Христовым вшедше в рай.

Слава, и ныне, Богородичен, глас той же:

Возжады души моя Тебе, Спасе мой,/ яко животы источник имашаи воистинну,/ Свет миру Невечерний Богородицею возсиявый./ Той всеильными мольбами/ Небесных Благ Сокровище отвори ми, Владыко Многомилостиве.

Величание:

Велича́ем вас,/ преподобно́мученицы Вениа́мине и Ники́форе,/ и чтим честна́я страда́ния ва́ша,/ я́же за Христа́/ претерпе́ли есте́.

Псалом избранный: Бог нам Прибе́жище и Си́ла:

По полиеле́и седа́лен, глас 8:

А́нгелом собеседни́цы на земли бы́сте, Вениа́мине и Ники́форе досточу́днии,/ мы́сленными очы́ма зря́ще Небе́сная/ и слухом сердечным внемлю́ще священным глаго́лом Госпо́дним,/ гонения́ и му́ки претерпесте/ и победи́тели во бра́ни яви́стеся./ Ны́не же, в Небе́сных Оби́телях жи́тельствующе,/ моли́теся о нас, страда́ния ва́ша чту́щих,/ да ве́рни повеле́нием Госпо́дним пребыва́ем,/ друг дру́га лю́бяще и мир в себе́ иму́ще.

Сла́ва, и ны́не, Богоро́дичен, глас то́йже:

Небе́сная Цари́це, Госпоже́ Благо́я,/ любве́ Божественны́я Сосу́де преиспо́лненный,/ Твои́м всеми́лостивным заступле́нием сея́ животворя́щая любве́ сосу́ды че́стны спаса́емых нас сотвори́,/ да ве́рни повеле́нием Госпо́дним пребыва́ем,/ друг дру́га лю́бяще, и мир в себе́ иму́ще.

Степе́нна, 1-й антифо́н 4-го гласа. Прокі́мен, глас 4: Честна́ пред Го́сподем/ смерть преподо́бных Его́. **Стих:** Что возда́м Го́сподеви о всех, я́же воздаде́ ми? **Всякое дыха́ние: Ева́нгелие от Ма́рка, зача́ло 37.**

По 50-м псалме́ стихи́ра, глас 6:

Где твоё, сме́рте, жа́ло?/ Где твоя́, а́де, побе́да?/ Всю́е и́щите ве́рных Госпо́дних пожре́ти,/ вла́сти же не и́мате,/ победи́л бо есть вы Спас душ на́ших Христо́с Бог,/ дарова́в живо́т ве́чный всем земноро́дным,/ ве́рным Ца́рство Своё́ запове́да,/ Того́ наследи́цы Вениа́мин и Ники́фор/ жити́ем пра́ведным и кончи́ною му́ченическою яви́шася./ Ны́не, па́мять тех воспева́юще,/ нача́ло ве́чнаго жити́я их в Бо́зе пра́зднуем/ и к по́мощи их моли́твенней взыва́ем.

Кано́н, глас 6.

Песнь 1

Ирмо́с: Волно́ю морско́ю/ Скры́вшиаго дре́вле/ гони́теля мучи́теля,/ под земле́ю скры́ша спасе́нных о́троцы;/ но мы, я́ко отрокови́цы,/ Го́сподеви пои́м,/ сла́вно бо просла́вися.

Припев: Святии преподо́бномученицы Вениа́мине и Ники́форе, молитесь Бога о нас.

Сподо́би, Го́споди, просла́вити по досто́янию преподо́бномучеников Соловѣцких, Вениа́мина и Ники́фора,/ ти́и бо, си́лою Христо́вою воору́жившеся,/ искуше́нием вра́жиим противоста́ша/ и со́нма му́чеников украше́ние пресве́тлое яви́шася.

От корене благочестиваго происшед, святе Вениамине,/ вере Христове и любви Божественной измлада прилежал еси/ и, болезни и труды благодушно претерпевая,/ посреде мятежей многих до конца сия сохранил еси.

От святых иконы Вседержителя глас услышав, отче Вениамине,/ мирская вся отринул еси/ и ко отоку Соловецкому стопы своя направил еси,/ идеже, во обители святей вселився,/ в послушание Богу всецело себе вдал еси.

Богородичен: Путь ко спасению открыла еси нам, Богородице,/ жития непорочнаго образ чистейший являющи./ Темже, на Тя взирающе и Тебе молящися,/ из глубины сердечных взываем:/ язвы грехов и струпы страстей наших исцели слезами покаяния.

Песнь 3

Ирмос: Тебе, на водах/ повесившаго всю землю неодолимо,/ тварь, видевши на лобнем висима,/ ужасом многим содрагаешся,/ несть свят,/ разве Тебе, Господи, зывающи.

Подвиги многими подвизався, Вениамине всеблаженне,/ восходил еси от силы в силу/ и, к монашескому чину и сану священному сопричтен быв,/ служение твое усердно совершал еси/ под покровом первоначальников обители Соловецкия,/ к нимже умиленною душею молитвы простирали еси.

Многих ради добродетелей и короткаго твоего духа, богоблаженне Вениамине,/ начальник Сийския обители поставлен был еси, идеже, Божественным Покровом Пресвятыя Троицы/ и предстательством преподобнаго Антония, первоначальника обители сея, укрепляемь,/ добре потрудился еси,/ путеводя стадо Христово ко спасению.

Нестроению во обители Соловецтей бывшу,/ избраша ты братия в наставника духовнаго себе,/ ведуще ты благодать и послушанием украшена,/ любовь к Богу и ближним обдержима/ и мудрость духовную стяжавша, Вениамине достохвальне.

Богородичен: Обретши благодать у Сына Твоего заступати немощный род человеческий, Богородице,/ неусыпно назираеши люди христианския,/ иноком наипаче покровительствуеши,/ яко ангельскому чину подражателем,/ Сама бо вышши ангельскаго жительства нам явила еси.

Седален, глас 5:

Пламень огненный прошедше, преподобномученицы,/ вечнаго покоя сладость обрели есте/ и, подвиг во Христе жительства мужественно совершивше,/ праведною кровию блаженство райское снискали есте./ Молим вас, святии:/ молитесь за ны ко Господу,/

пóприще жити́я на́шего нам досто́йно прои́ти,/ стрел вра́жиих
изб́егнути/ и в́ечныя поѓибели изб́авитися.

Сла́ва, и ны́не, Богоро́дичен:

Засту́пницу Тя и́мамы пред Богом, Пречы́стая Дево,/ не прэ́зри раб
Твоих, на предста́тельство Твоё надéющихся,/ моле́ние наше приими и
пóмощь с Небесé низпосли,/ да спасéние душ наших обря́щим.

Песнь 4

Ирмо́с: На Крестé Твоё Божéственное исто́цание прови́дя,/ Авваку́м, ужáсса, вопи́аше:/ Ты си́льных пресе́кл еси́ держа́ву, Бла́же,/ приобщи́аяся су́щим во а́де,/ я́ко Всеси́лен.

Повелéнию Господню повину́ясь,/ крест настоя́тельства обители
Солов́ецкия, ты возра́стившей, со сми́рением приял еси, Вениамíне
досто́блаженне./ Егда же си́ла вра́жия безу́мно на Цёрковь
Правосла́вную возста,/ страдания, предуготованная тебе, безропотне
восприял еси.

До́брое жи́тельство попра́вше,/ не́цьи от и́нок солов́ецких
послуша́нию не поревно́ваша/ и, самохотéнием мéсто супоста́ту в
сердце своем да́вше,/ скорбь вéлию обители Солов́ецтей и
богоизбра́нному Вениамíну, настоя́телю своему сотвори́ша,/ ду́шу
свою за овцы сво́я положить хотя́щему.

Ду́хом в Го́рняя простира́ясь,/ до́льными скорбьми́ обременéн
быва́ше, Вениамíне преподо́бне,/ но молитвою и любóвию б́урю
мятэ́жа посреде непокоривых/ во обители древней укроща́л еси́, óтче
богомудре,/ ста́до разобщё́нное и́ноков во еди́но собира́я/ и Бо́га в
Тро́ице Нераздельнаго о поми́ловании умоля́я.

Богоро́дичен: Молим Тя, Богоро́дице Де́во, вра́жиими злоде́йствы
обуреваемии:/ сетéй злоухищрённых свободи́,/ мучи́тельства страстей
нас изб́ави,/ мир Бо́жий в ду́ши наша водвори́,/ терпéнием Христо́вым
снабжениеючи.

Песнь 5

*Ирмо́с: Божоявлéния Твоего́, Христé,/ к нам ми́лостивно б́ывшаго,/ Исáия, Свет ви́дев Невечёрний,/ из но́щи у́треневав, взыва́ше:/
воскрéснут мёртвии,/ и востáнут су́щии во гробéх,/ и вси земноро́днии
возра́дуются.*

Оте́честву земному в чине во́инством чéстно послужив,
богоблаже́нне Ники́форе,/ во́инству Христо́ву приобщитися и еди́ному
Бо́гу поработати зело возжелал еси́/ и, во обитель Соловецкую
вселився,/ досто́йно в чине и́ночестем и сáне иерейстем Го́сподеви
послужил еси́.

Обеты иноческия усердно исполняя,/ наставника ти Богом даннаго
Вениамина любовию почитал еси, Никифоре прехвальне,/ темже, и
стежею страсотерпческою вкупе шествовав,/ мученичества красотю с
ним украсился еси.

Твердо Христа исповедавшие/ и напасти вражия ни во чтоже
вменившие,/ пострадаши за Того сподобилися есте, Вениамине и
Никифоре,/ уничижение от беззаконных,/ изгнание из обители, во
юдоль мучений нечестивыми обращенныя,/ труды подневольныя,
поношения и клевету,/ вся претерпели есте, преподобнии.

Богородичен: Над землею Русскою Покров державный
распростерши,/ не оставила еси нас от злодеяний лстываго погнати,
Заступнице Семилостивая./ Помози нам и ныне веру истинную без
страха исповедати/ и Православия поборники быти.

Песнь 6

Ирмос: Ят бысть,/ но не удержан в персех китовых Иона:/ Твой
бо образ нося,/ Страдавшаго и погребеню Давшагося,/ яко от
чертога, от зверя изыде./ Приглашше же кустодии:/ хранящии
суетная и ложная,/ милость сию оставили есте.

Егда мрак безбожия постиже землю Русскую/ и Соловецкую
обитель в темницу обрати,/ тогда многоскорбная сердца ваша
исполнишася болезней и скорбей,/ яже и до конца мужественне
понесли есте, Христовы страсотерпцы,/ Промысл Божий благий во
всем разумевающе.

Немощь человеческую ведуще,/ все упование на Бога всецело
возложили есте, преподобнии,/ и, со смирением и кротостию праведное
Его поущение воспримше,/ верность Владыце и званию Вышнему
достойно сохранили есте./ Не оставите убо нас, святии,/ память вашу
светло почитающих.

Преподобным отцем поревновавшие/ и исповедником веры, за
Христа страдания с радостью приемшым, последовавшие,/ сопричастницы
Соловецким новомучеником явитесь/ и Церковь
Русскую подвиги светло украсите, богомудрии.

Богородичен: Владычице мира, Мати Всепетая,/ прими
сердечную молитву раб Твоих, во умилении Ти приносимую,/ и не
лиши нас милостиваго Твоего заступления,/ но, яко Благая, спаси души
наша.

Кондак, глас 7.

Подобен: Разрушил еси:

Божественными страданиями,/ яже за Христа претерпевше,/ отцы
всеблаженнии,/ яко злато в горниле души своя во огни очистили есте/ и

во обители Гóрняя ко Владѣще своему ныне преселилися есте./ Сего ради прилѣжно чтим и ублажаем вас,/ преподобномученицы Вениамине и Никифоре.

Икос:

Благодатию Господнею на подвиг исповѣднический избраннии, Вениамине и Никифоре,/ преподобием и правдою Богу потрудилися есте во святей обители Соловецтей,/ силою же вражиею во времена безбожная от нея удаленнии,/ в молитве, и терпении и твердом уповании дни жития своего провождали есте./ Смирению же крестному прилежавше,/ радостне славили есте Господа, вся воскресившаго Собою,/ и, страдальческую смерть приемше во дни Святыя Пасхи,/ красотою мученическою украсилися есте во Царствии Спаса нашего./ Сего ради прилѣжно чтим и ублажаем вас,/ преподобномученицы Вениамине и Никифоре.

Песнь 7

Ирмос: Неизреченное чудо:/ в пещи Избавивый преподобныя отроки из пламене/ во Гробе мертв, бездыханен полагается/ во спасение нас поющих:/ Избавителю Боже,/ благословен еси.

Яко пустынницы, во изгнании пребывали есте, Вениамине и Никифоре,/ труды и молитвами подвизающиеся день и ночь/ и славословие Богу в Троице Единосущному и Нераздельному возсылающе:/ Избавителю Боже, благословен еси.

Место подвигов последних в дѣбрех северных избрали есте, досточуднии,/ идеже, много потрудившися,/ житие земное мученически скончали есте./ Ныне Престолу Всевышняго предстоите и победоносно взываете:/ Избавителю Боже, благословен еси.

Земныя юдоли горести во множестве познавше,/ благ неизреченных ныне наслаждаетесь, Христови страстотерпцы,/ верен бо Господь, обетовавый Царствие Небесное любящим Его и вопиющим:/ Избавителю Боже, благословен еси.

Богородичен: Завѣта вѣчнаго, Богоизбранная Тайнице,/ и Царства Христова, Всемилостивая Вратарнице!/ Господа и Владыку веков умоли о нас, немощных, озлоблением вражиим мучимых,/ Ты бо, Благосердая Мати, Помощница теплая/ и Ходатаица живота вѣчнаго христианом присно являешися.

Песнь 8

Ирмос: Ужаснися, бойся, Небо,/ и да подвижатся основания земли:/ се бо в мертвецех вменяется в Вышних Живый/ и во Гроб мал странноприимается./ Егоже, отроцы, благословите,/ священницы, воспойте,/ людие, превозносите во вся веки.

Четыредеся́тницу святу́ю по́стнически соверши́вше,/ Па́сху Господню воспева́ли естé, ду́хом пламене́юще./ Огнь же мучи́тельный, челове́ки зло́бными разжже́нный, мужественне претерпевше,/ в Черто́г украше́нный внидо́сте,/ Христа́ Воскрéсша пою́ще и превознося́ще во вся ве́ки.

Па́мять ва́шу пра́зднующе, новомученицы́ святы́и, радуемся и ликовству́ем,/ днесъ бо Па́сха ва́ша соверша́ется от земли́ в Селéния Небéсная восхо́дом невозбра́нным,/ вы же, я́ко ве́рнии служи́телие Христо́ви,/ наслéдницы́ благословéннии Небéснаго Отéчества яви́теся,/ пою́ще и превознося́ще Господа во вся ве́ки.

Ве́рою и твёрдым исповéданием вéчнаго блаже́нства достигосте, преподо́бнии Вениа́мине и Ники́форе,/ смéртию бо страда́льческою к Животу́ безсмéртному преста́вились естé/ и кро́вию безви́нную багря́ницу Це́ркве Правосла́вныя украси́ли естé,/ пою́ще и превознося́ще Господа во вся ве́ки.

Трои́чен: Трои́постáсный Бо́же,/ Сло́вом сотвори́вый вся́ческая и Ду́хом к животу́ призва́вый земна́я и небéсная!/ Ты челове́ческое естество́ в подо́бие Своё созда́л еси́,/ оскверненное же грехом Кро́вию Христа́ Твоего́ паки возста́вил еси́,/ Егóже óтроцы, благослови́те, священни́цы, воспойте,/ лю́дие, превозноси́те во вся ве́ки.

Богорóдичен: Послуживши́ Тайне́ Бо́жией, челове́ческому разумéнию непостижи́мей,/ сподóби нас благода́ти Сы́на Твоего́, Пренепоро́чная,/ нéмощь нашу укрепи́,/ жити́е уны́лое милостию Твоею обогати́/ и ску́дную моли́тву нашу Ду́ха Святаго́ животво́рными дыха́нии раствори́.

Песнь 9

Ирмо́с: *Не рыда́й Мене́, Ма́ти,/ зря́щи во Грóбе,/ Егóже во чре́ве без се́мене зачала́ еси́, Сы́на:/ воста́ну бо и просла́влюся,/ и вознесу́ со сла́вою непреста́нно я́ко Бог,/ ве́рою и любóвию Тя велича́ющая.*

Благодáрно душе́ю сла́вяще Творца́ и Бо́га,/ исповéдником и страстоте́рпцем Христо́вым приобщи́лися естé, Вениа́мине и Ники́форе./ Сердцевéдец же Госпо́дь страда́льческа́я ра́ди кончи́ны/ венцы́ мучени́ческими украси́ вас./ Темже помина́йте нас, верою и любóвию вас велича́ющих.

Якоже Вениа́мин, еди́н от сыно́в Изра́илевых, юне́йший бе в дому́ отца́ своего́,/ та́ко и ты, Вениа́мине преподобномучени́че, послéдний нача́льник в Соловэ́цтей обите́ли был еси́./ И, я́коже Вениа́мин, священнонача́льник Петрогра́дский,/ ты И́менем Христо́вым злоде́йства вра́жия препобеди́л еси́./ Темже помина́й нас, верою и любóвию тя велича́ющих.

Ча́шу страда́ний му́жественне испи́вше,/ венцы́ неувяда́емыми украси́лися естé во Ца́рствии Небеснем, досточт́имии Вениамíне и Ники́форе./ Темже молите о обители ва́шей Соловѣцтей,/ да мир и любовь Господ́ня во вѣки с нею пребыва́ет,/ и нас помина́йте, верою и любóвию вас величающих.

Богорóдичен: Ца́рства Бóжия бисер драгоцѣнен/ да возсия́ет в душа́х на́ших Твоими мольба́ми,/ Пречистая Дево, Нача́льника жи́зни вѣчныя Ма́ти./ Помози́ нам, Благо́я,/ да, терпѣнием ду́шы стяжавше,/ воскресѣния свѣтлую ра́дость невозвратно Тобо́ю обря́щем.

Свети́лен, глас 3:

Свѣтом Христóвым просвеща́еми,/ мрак беззакóния попрáли естé, преподóбнии,/ и исповѣданием Трисóлнечнаго Свѣта тьму áдову посрами́ли естé,/ мучѣния же от сыно́в погíбели приѣмше,/ беспечáльное житѣльство наслѣдовали естé./ Темже, свѣтлости святых причáстницы явившеся,/ миру просвещѣние испросите/ и душа́м на́шим велию милость.

Сла́ва, и ны́не, Богорóдичен:

Свѣт Живота́ вѣчнаго возсия́ нам Тобо́ю, Благода́тная Мари́е,/ плóтию бо родила́ еси́ Жизнода́вца Бóга,/ смерть попрáвшаго, мир Собо́ю обновившаго/ и всем верным Воскресѣние да́рующаго.

На хвалíteх стихíры, глас 7:

Рѣвно́стью по Бóзе распáяеми/ и жа́лостью о до́ме Господ́ни снеда́еми,/ святы́ни обители ва́ша от расхищѣния/ и поругáния нечестивых сохраня́ли естé,/ прещѣний же беззакóнныя вла́сти не устраши́вшеся,/ до конца́ страдания претерпесте/ и спасѣние душа́м обретостé,/ преподобномученицы преславнии./ Ны́не сия́ете во сла́ве Господ́ни.

Бремя поругáния и уничи́жения обители своѣя понѣсше/ и заклание, яко агнцы незлобиви, безропотне восприемше,/ миру безумному укорѣние бы́ли есте/ и, ангелом по мученичестей кончѣне ва́шей совокупившеся,/ в сла́ву Христóву добропобедне возшли есте,/ страдальцы преподобнии Вениамине и Ники́форе,/ моли́те Влады́ку Христа́ Бóга/ спастися душам нашим.

Пóдвиг преподóбных отцев подьѣмше,/ богоблаженнии Вениамíне и Ники́форе,/ óбраз иноческаго жити́я благочѣстно показали есте,/ мно́жество же лишѣний и гонѣния претерпѣвше,/ страсотѣрпцем Христóвым уподóбилися есте/ и, мучеников мзду восприемше,/ яко звѣзды светозáрныя в Ца́рствии Небеснем возсия́ли естé./ Мы же, па́мять вашу ны́не празднующе,/ усердне молим спастися душам нашим.

Приидите, мучениколюбцы,/ возвеличим истинных преподобномучеников Вениамина и Никифора,/ иже Христа ради, скорби и гонения,/ поношения и унижения претерпевше,/ лютую смерть от безбожных прияли есте./ Сего ради с лики преподобных и новомучеников Соловецких/ Престолу Божию предстоят/ и молятся о душах наших.

Слава, глас 1:

Егда во всесвѣтлыя дни Воскресѣния Христова/ Бѳгу побѣдную песнь возносили есте, Вениамине и Никифоре,/ умерщвление смерти прѣзднующе/ и утверждение жизни торжествующе,/ кончине мученичестей приложилися есте/ и, нетлению Небесному приобщившися,/ раѣ отверстыми враты в радость совершенную востекли есте,/ Пасху вѣчную славяще.

И ныне, Богородичен, глас тойже:

Огнь Божества во утрѳбе неопальне вместивши,/ Кивѳт благодати священнейшей явилася еси, Дѳво Пречистая,/ темже пламенем Духа Божественнаго возжигаети сердца верных/ и вѣчному вражью пламени сих неприкосновенных творishi./ Возсияй, Богомати, и в нас любви Божия немерцающий свет,/ от борющихся враг ограждаючи,/ и огнедышащая пропасти адовы избави души наша.

И еще пост: на стиховне Слава, глас 6:

Распеншемся за ны Христу Бѳгу,/ смерть поправшему и ад пленившему,/ сораспиналися есте, страстотерпцы приснопамятнии,/ страдания многая претерпевше даже до смерти мученическаго,/ ныне в невечернем дни Царства Божия сладость райскую вкушаете,/ исполнение надежды вашае улучивше./ И нам, Христову Воскресению поклоняющимся/ и память вашу прѣзднующим,/ всегда сию надежду подавайте.

И ныне, Богородичен от седмичных, глас тойже.

Аще ли в среду или пятѳк, Крестобогородичен:

Возведи сердца наша, Дѳво,/ к памятованию Страстей спасительных Христа Бѳга/ и Твоих Богоматерних страданий,/ яже претерпела еси, видящи Сына Твоего унижена/ и пригвождена ко древу Креста,/ имже смерть упразднися и мир спасеся./ Того убо Живоною силою и Твоими всеильными молитвами/ помози и нам от сетей вражиих избавитися/ и милосердием Божиим спастися.

В тойже день на вечерни, на Господи, возвах: стихиры, глас 5:

Приидите, христоролюбивии людие,/ восхвалим ревнителей и защитителей доблественных обители Соловецкия,/ Вениамина, начальника еѣ послѣдняго/ вкупе и Никифора, его сподвижника,/ тии бо

вѣлию скорбь разорения обители приѣша,/ во времена же гонений на Церковь Русскую/ сонму новомучеников Соловецких сопричтени быша./ Ныне же предстоят Престолу Господню/ и молятся о спасении душ наших.

Крест страданий дан бысть ти свѣше, богоизбранне Вениамине,/ еже обитель Соловецкую от беззаконий и буйства безбожных хранить,/ ты же, преподобне, заступая вверенную ти святѣню,/ тверд и непреклонен явился еси/ и, всячески утесняемь и изгоняемь от враг быв,/ все упование на Господа возлагал еси,/ обители Соловецкия послѣдний начальниче/ и славный стратотерпче.

Якоже пламень злобный попали в дни гонений/ славную обитель Соловецкую,/ тако и Вениамин многострадальный,/ строитель сея обители прехвальный,/ вкупе с преподобномучеником Никифором,/ души скорбми тяжкими очистивше,/ палящим огнем смерть приѣша./ Темже, венцы мученическия от Господа приемше,/ ныне Престолу Божию во Царствии Небеснем предстоят/ и молятся о душах наших.

Многия скорби и страдания на земли претерпевше/ и крест мученический со смирением и любовью в житиѣ понесше,/ ныне на Небеси радости неизреченныя наслаждаетесь,/ преподобномученицы Вениамине и Никифоре,/ и в сонме святых Господа воспеваете./ Того молитесь и нам поприще земное достойно совершити/ и Царствие Божие наследовати.

Слава, глас 8:

Во изгнании суще,/ молитву непрестанную слезами растворяли есте/ о обители Соловецкой, от безбожных разоряемей,/ святити Вениамине и Никифоре,/ в нейже многия подвиги и труды понесли есте./ Во дни же Святаго Воскресения,/ смерть мученическую за Христа приѣмше,/ Того победоносно прославили есте./ Ныне же, Престолу Божию предстояще,/ прославляете Отца и Сына и Святаго Духа,/ Троицу Единосущную и Нераздельную.

И ныне, Богородичен от седмичных, глас тойже.

Аще ли к средѣ или к пятку, Крестобогородичен:

Иже от кровей Твоих чистых воплощенна/ и паче мысли от Тебе, Чистая, рожденна,/ на Древе висима посреде злодею зрящи,/ утробою болела еси/ и, матерски рыдаючи, вопияла еси:/ увы Мне, Чадо Мое,/ кое божественное и неизреченное смотрение Твое,/ имже оживил еси создание Твое?/ Воспеваю Твое благоутробие.

На Литургии

Блаженны от канона, песнь 3-я и 6-я. Прокимен, глас 4: Святѣм, иже суть на земли Его/ удивилъ Господь вся хотѣния Своя в них. Стих:

Предзрѣх Господа предо мною вѣну,/ яко одесную мене ѣсть, да не подвижуся. Апостол к Римляном, зачало 99. Аллилуиа, глас 4: Воззваша праведнии, и Господь услыша их,/ и от всех скорбей их избави их. Стих: Многи скорби праведным,/ и от всех их избавит я Господь. Евангелие от Луки, зачало 96.

Молѣтва

О, досточудная двоице отец преподобных, новомучеников и стратотерпцев Соловецких, богомудре Вениамине начальниче монахов и верный его помощниче Никифоре! Вы, благоднравием и твердою верою благодать у Бога снискавше, иноком образ истиннаго служения явили есте, наставляюще их в путех праведных неуклонно ходити. Силою Божиею и великою любовию вашею нестроения в житий братством укрощающе, в мире и благочестии святую обитель Соловецкую до конца соблюдали есте. Егда же во дни гонений лютых на Церковь Божию мрак беззаконий найде на святое место сие, вы, страха не убоявшеся, в подвиге исповедания веры Христовы светло просияли есте. В земли Архангельстей кончину мученическую во изгнании приемше, в радость вечную Царствия Небеснаго невозбранно возшли есте. Темже молим вас, угодницы Христовы: сохраните обитель Соловецкую невреденну от враг видимых и невидимых, нам же помозите подвигом добрым подвизатися и дни своя на земли в мире и покаянии скончати, да сподобимся наследники быти Царствия Небеснаго, идеже вкупе с вами достойни явимся прославляти в Троице славимаго Бога, Отца и Сына и Святаго Духа. Аминь.